



Lugo, 8 de maio de 2012. ADEGA vén de solicitar a declaración de **BIC** (Ben de Interese Cultural) para a Cova de Eirós do Concello de Triacastela nas dependencias da Dirección Xeral de Patrimonio Cultural da Consellaría de Educación e Cultura. Esta cova da montaña oriental garda **restos**

arqueolóxicos e paleontolóxicos

de grande valor para reconstruír a historia de Galiza dos últimos 100.000 anos; pese a iso, pode estar en risco, ao atoparse no medio dunha

explotación de pedra calcaria

cuxa concesión chega sobre a vertical da entrada á cavidade. De saír adiante esta petición, sería a primeira cova galega en adquirir o rango de BIC. Preme [aqui](#) para descargar a solicitude.



Nela atopáronse obxectos, restos humanos e faunísticos que a converten nun dos xacementos de maior interese científico e patrimonial do país. Alí, apareceu o adorno mais antigo de Galiza, un colgante datado en máis de 26.000 anos, o que dá testemuña da primitiva ocupación da nosa terra por seres humanos desde o paleolítico medio. Ademais de numerosos restos de habitación de máis de 100.000 anos, a cova garda pegadas da ocupación por fauna do cuaternario, mesmo do oso das cavernas (*Ursus spelaeus*), que a converten no exemplo máis occidental de Europa do hábitat desta especie. A cova de Eirós conserva así mesmo rabuñaduras de oso nas paredes que supoñen unha valiosa testemuña de que o animal habitou dentro da cova.



ADEGA solicita que a Cova de Eirós sexa a primeira en ser declarada BIC e preserve dunha canteira
A Asociación ADEGA solicita que a Cova de Eirós sexa a primeira en ser declarada BIC e preserve dunha canteira. A asociación, fundada en 1981, ten como obxectivo a conservación e a promoción do patrimonio cultural e natural da zona. A Cova de Eirós é un lugar de gran importancia cultural e histórica, e a súa declaración como BIC sería un paso fundamental para a súa protección e a preservación da súa identidade. A asociación conta co apoio de numerosos veciños e entidades locais, e traballa activamente para sensibilizar a sociedade sobre a importancia deste lugar.